



Ավետիք Իսահակյան

Հուրհրում էր արևն ուրախ

Հուրհրում էր արևն ուրախ,
Գետն էր գնում քաղցրակարկաչ.
Չորս դիս՝ գարնան կարմիր ծիծաղ,
Վարդեր կարմիր, կարմիր կակաչ:

Արտույտն երգով ճախրում էր վեր.
Արտաներում՝ խրխինջ ու կանչ.
Չորս դիս՝ գարնան կանանչ թևեր,
Կանանչ հովեր, ծո՛վեր կանանչ:

Մեր մանկական ճիչն էր թնդում
Դաշտերի մեջ ցողաթաթախ.
Խայտում էինք գնրուխտ գետում, -
Եվ գնգում էր արևն ուրախ ...

1930, Փարիզ